

第二五二冊

明倫彙編

宮闈典

皇子部

皇孫部

公主駙馬部

(卷)

克

公

二一九

古今圖書集成

中華書局影印



古今圖書集成

卷一百一十五

欽定古今圖書集成明倫彙編官闈典

第七十九卷目錄

皇子部彙考

後漢 總一則

宋 孝武帝孝建一則 廢帝景和一則

北魏 文成帝興光一則 孝文帝太和二則 宣武帝正始一則 永平一則 孝莊帝永安一則

北齊 總一則 後主武平一則

北周 武帝建德一則

唐 總一則 太宗貞觀一則 高宗龍朔一則 宗廟一則 太祖一則 太宗天寶三則 景宗一則 聖宗開泰三則 太平一則 道宗清寧一則 太平一則 大康一則

遼 總一則 太祖一則 太宗太平興國二則 景宗一則 聖宗開泰三則 太平一則 道宗清寧一則 太平一則 大康一則

宋 太祖開寶一則 太宗太平興國二則 真宗大中祥符三則 天禧一則 英宗治平一則 神宗熙寧一則 慶曆一則 徽宗崇寧一則 高宗建炎一則 紹興二則 寧宗慶元二則 理宗紹定一則 嘉慶一則 寶祐一則

金 熙宗皇統一則 章宗承安一則 泰和一則

元 世祖至元二則 泰定帝泰定二則 文宗至順一則 武宗至大則

明 憲宗成化三則 孝宗弘治一則 世宗嘉靖二則 穆宗隆慶一則 熹宗天啓二則

皇子部藝文一

皇子生頌

賀生皇子表

賀長子封公表

請令皇子伴讀提舉左右人

左司諫王陶皇子伴讀制

賀生皇子表六道

代賀生皇子表

陸游

王拱宸

司馬光

王安石

前人

魏陳思王植

皇子進封左衛上將軍嘉國公賀皇帝表

文天祥

皇子賜名本州賀皇帝表

前人

皇子賜名鈴司賀皇帝表

前人

皇子部藝文二詩

寶祐二年皇子冠二十首

宋史

奉和皇子百日

明會朝節

丙戌秋月以皇太子生賜萬喜金字綵花金幣

等物

于慎行

皇子部紀事

皇子部雜錄

宮闈典第七十九卷

皇子部彙考

後漢

後漢求嗣於高祿之儀

按後漢書禮儀志仲春之月立高祿祠於城南祀以特牲月令元鳥至之日以太牢祠詩曰克禋克祀以弗無子毛萇傳曰弗去無子求有子古者必立郊祿焉元鳥至之日以太牢祀於郊祿天子親往后妃帥九嬪御乃禮天子所御帶以弓韉授以弓矢於郊祿

之前鄭元注云弗之言祓也禋祀上帝於郊祿以祓無子之疾而得福也月令章句曰高尊也祿祀也吉事先見之象也蓋為人所以祈子孫之祀元鳥感陽而至其來主為孚乳蕃滋故重其至日因以用事契母簡秋蓋以元鳥至日有事高祿而生契焉故詩曰天命元鳥降而生商韉弓衣也祀以高祿之命飲之以體帶以弓衣尚使得男也離騷曰簡狄在臺營何宜元鳥致胎女何嘉王逸曰言簡狄待帝譽於臺上有飛燕墮其卵嘉而吞之因生契鄭元注禮記曰後王以為祿官嘉祥而立其祠盧植注云元鳥至時陰陽中萬物生故於是以三牲請子於高祿之神居明顯之處故謂之高因其求子故謂之祿以為古者有祿氏之官因為神晉元康中高祿壇上石破詔問出何經典朝士莫知博士束皙答曰漢武帝晚得太子始為立高祿之祠高祿者人之先也故立石為主祀以太牢

宋

孝武帝孝建三年詔禮官議皇子出後告廟之禮

按宋書孝武帝本紀不載 按禮志孝建三年五月丁巳詔以第四皇子出紹江夏王太子叔為後有司奏皇子出後檢未有告廟先例輒勒二學禮官議正應告與不告者為告後室太學博士傅休議禮無皇子出後告廟明文晉太康四年封北海王實紹廣漢

賜王後告于太廟漢初帝各異廟故告不必同自漢明帝以來乃共堂各室魏晉依之今既共堂若獨告一室而闕諸室則於情未安太常丞庾亮之議按禮大事則告祖廟小事則特告廟今皇子出嗣宜告廟

第二五二冊 之〇一葉

廟祠部朱膺之議以為有事告廟蓋國之常典今皇子出紹事非常均愚以為宜告賀循云古禮皇廟唯謁一室是也既皆共廟而闕於諸帝於情未安謂循言為允宜在皆告兼右丞殿中郎徐爰議以為國之大事必告祖禰皇子出嗣不得謂小昔第五皇子承統廬陵備告七廟參議以爰議為允詔可

廢帝景和元年冬十一月丁未皇子生大赦天下賊汚淫盜悉皆原除賜為父後者爵一級

按宋書廢帝本紀云云

北魏

文成帝興光元年秋七月庚子皇子弘生辛丑大赦改年

按魏書文成帝本紀云云

太安元年夏六月壬戌詔名皇子曰弘曲赦京城改年

按魏書文成帝本紀云云

獻文帝興元元年秋八月戊申皇子宏生大赦改年

按魏書獻文帝本紀云云

皇興三年夏四月丙申名皇子曰宏大赦天下

按魏書獻文帝本紀云云

孝文帝太和七年閏月癸丑皇子生大赦天下

按魏書孝文帝本紀云云

太和十年六月己卯名皇子曰恂大赦天下

按魏書孝文帝本紀云云

宣武帝正始三年春正月丁卯朔皇子生大赦天下

三月戊子名皇子曰昌

按魏書宣武帝本紀云云

末平三年春三月丙戌皇子生大赦天下六月丁卯名皇子曰詡

按魏書宣武帝本紀云云

孝莊帝末安三年冬十月戊申皇子生大赦天下文武百僚汎二級

按魏書孝莊帝本紀云云

北齊

北齊定皇子聘禮及署置官屬之制

按隋書禮儀志後齊聘禮一日納采二日問名三日納吉四日納徵五日請期六日親迎皆用羔羊一口鴈一隻酒黍稷稻米麪各一斛自皇子王以下至於九品皆同納徵皇子王用元三匹纁二匹束帛十匹大璋一錦綵六十匹絹二百匹羔羊一口羊四口犢二頭酒黍稷稻米麪各十斛新婚禮車皇子百乘

按百官志後齊制為皇子置郎中大夫中尉常侍各一人侍郎二人上中下三將軍各一人上中大夫各二人防閣四人典書典祠學官典衛等令各二人齋帥四人食官廐牧長各二人典醫丞二人典府丞一人執書二人謁者四人舍人十八人等員

後主武平元年夏六月甲辰以皇子恆生故大赦內外百官普進二級九州職人普進四級

按北齊書後主本紀云云

北周

武帝建德三年夏四月辛酉初置皇弟皇子友員各二人學士六人

按周書武帝本紀云云

唐

唐制皇子入學之儀

按唐書禮樂志皇子束脩束帛一篋五匹酒一壺二斗脩一案五挺其日平明皇子服學生之服其服至學門外博士公服執事者引立學堂東階上西面相者引皇子立於門東西面陳束帛篋壺酒脯案於皇子西南當門北向重行西上將命者出立門西東面曰敢請就事皇子少進曰某方受業於先生敢請見將命者入告博士曰某也不德請皇子無辱王則封

將命者出告皇子曰某也不德請皇子無辱王則封

子就位某敢見將命者出告皇子曰某不敢以視賓客請終賜見將命者入告博士曰某辭不得命敢不從將命者出告執篋者以篋東面授皇子皇子執篋

博士降俟於東階下西面相者引皇子執事者奉壺酒脩案以從皇子入門而左詣西階之南東面奉酒

脩者立於皇子西南東面北上皇子跪奠篋再拜博士答再拜皇子還避遂進跪取篋相者引皇子進博士前東面授幣奉壺酒脩案者從奠於博士前博士受幣執事者取酒脩幣以東相者引皇子立於階間

近南北面奉酒脩者出皇子拜訖相者引皇子出

太宗貞觀二年六月庚寅皇子治生宴五品以上賜帛有差仍賜天下是日生者粟

按唐書太宗本紀不載 按舊唐書太宗本紀云云

高宗龍朔二年七月戊子以子旭輪生滿月大赦賜脯三日

按唐書高宗本紀云云

顯慶元年十一月乙丑以子顯生賜京官朝集使勳一轉

按唐書高宗本紀云云

遼

遼制賀生皇子之儀

按遼史禮志賀生皇子儀其日奉先帝御容設正殿皇帝御八角殿升座聲警畢北南宣徽使殿階上左右立北南臣僚金冠盛服合班入班首二人捧表立讀表官先於左階上側立二宣徽使東西階下殿受表捧表者跪左膝授訖就拜與再拜各祇候二宣徽使俱左階上授讀表官讀訖揖臣僚鞠躬引北面班首左階上殿欄內稱賀訖引左階下殿復位舞蹈五拜禮畢

太祖六年八月壬辰皇子李胡生

按遼史太祖本紀云云

太宗天顯六年八月庚申皇子述律生告太祖廟

按遼史太宗本紀云云

天顯八年秋七月癸未皇子提離古生

按遼史太宗本紀云云

天顯九年十二月壬辰皇子阿鉢撒葛里生

按遼史太宗本紀云云

景宗保寧三年十二月己丑皇子隆緒生

按遼史景宗本紀云云

聖宗開泰二年秋七月丁卯封皇子宗訓大內惕隱

按遼史聖宗本紀云云

開泰五年二月戊戌皇子宗真生

按遼史聖宗本紀云云

開泰六年九月庚子以皇子屬思生大赦

按遼史聖宗本紀云云

太平元年三月戊戌皇子勃已只生

按遼史聖宗本紀云云

興宗重熙元年秋八月丙午皇子洪基生

按遼史興宗本紀云云

重熙四年六月癸丑朔皇子寶信奴生

按遼史興宗本紀云云

重熙十年以皇子生飲宴肆赦

按遼史興宗本紀重熙十年冬十月辛卯以皇子胡盧幹里生北宰相駙馬撒八寧迎上至其第飲宴上命衛士與漢人角觥爲樂壬辰復飲皇太后殿以皇子生肆赦夕復引公主駙馬及內族大臣入寢殿劇飲

道宗清寧四年是歲皇子溶生

按遼史道宗本紀云云

太康五年冬十月壬子詔惟皇子仍一字王餘並削降

按遼史道宗本紀云云

宋

太祖開寶九年三月癸酉以皇子德芳爲檢校太保貴州防禦使中書侍郎同平章事

按宋史太祖本紀云云

太宗太平興國元年十二月甲寅命太祖子及齊王廷美子並稱皇子女並稱皇女

按宋史太宗本紀云云

太平興國四年九月丁亥置皇子侍讀

按宋史太宗本紀云云

眞宗大中祥符七年二月戊午次襄邑縣皇子來朝

按宋史眞宗本紀云云

大中祥符八年十二月戊寅皇子冠

按宋史眞宗本紀云云

大中祥符九年二月甲午詔以皇子就學之所名資善堂

按宋史眞宗本紀云云

天禧四年冬十月丙午召皇子宗室近臣玉宸殿觀稍賜宴

按宋史眞宗本紀云云

仁宗景祐四年五月庚戌皇子生錄繫囚降死罪一等流以下釋之

按宋史仁宗本紀云云 按禮志初仁宗未有嗣景祐四年二月以殿中侍御史張奎言詔有司詳定禮官以爲月令雖可據然周官闕其文漢志郊祀不及祿祀獨枚皐傳言皇子祿祀而已後漢至江左槩見其事而儀典委曲不可周知惟高齊祿祀最顯妃嬪參享黷而不鑄恐不足爲後世法唐明皇因舊月令特存其事開元定禮已後不著朝廷必欲行之當築壇於南郊春分之日以祀青帝本詩克禋以祇之義也配以伏羲帝嚳伏羲本始譽著祥也以祿從祀報古爲祿之先也以石爲主牲用大牢樂以升歌儀視先蠶有司攝事祝版所載具言天子求嗣之意乃以弓矢弓鞬致神前祀已與胙酒進內以禮所御使齋戒受之仍歲令有司申請候旨命曰特祀即用其年春分遣官致祭爲壇增高九尺廣二丈六尺四陛三

遺陛廣五尺壇各二十五步主用青石長三尺八寸用木生成之數形準廟社主植壇上稍北露其首三

寸青玉青幣牲用牛一羊一豕一如盧植之說樂章祀儀並準青帝尊器神坐如勾芒惟受福不飲同授中人爲異祀前一日內侍請皇后宿齋於別寢內臣引近侍宮嬪從是日量地設香案褥位各二重行南向於所齋之庭以望祿壇又設褥位於香案北重行皇后服褱衣褥位以緋宮嬪服朝賀衣服褥位以紫祀日有司行禮以福酒肸肉弓矢弓韉授內臣奉至齋所置弓矢等於廂在香案東福酒於拈肸肉於俎

在香案西內臣引宮嬪詣褥位東上南向乃請皇后行禮導至褥位皆再拜導皇后詣香案位上香三請帶弓韉受弓矢轉授內臣置於箱又再拜內臣進肸皇后受訖轉授內臣次進福酒內臣曰請飲福引訖請再拜乃解弓韉內臣跪受置於箱導皇后歸東向褥位又引宮嬪最高一人詣香案上香二帶弓韉受弓矢轉授左右及飲福解弓韉如皇后儀惟不進昨又引以次宮嬪行禮亦然俟俱復位內侍請皇后詣南向褥位皆再拜退是歲宮中又置赤帝像以祈皇嗣

寶元二年八月甲戌皇子生丙子降三京囚罪一等徒以下釋之辛巳命輔臣報祀高祿

按宋史仁祖本紀云云 按禮志寶元二年皇子生遣參知政事王諤以太牢報祀準春分儀惟不設弓矢弓韉著爲常祀遣兩制官攝事

慶曆三年太常博士余靖言皇帝嗣續未廣不設弓矢弓韉非是詔仍如景祐之制

按宋史仁宗本紀不載 按禮志云云

英宗治平二年五月丙子詔自今皇子及宗室屬卑

者勿授以檢校師傅官

按宋史英宗本紀云云

神宗熙寧二年以皇子生報祀高祿

按宋史神宗本紀不載 按禮志熙寧二年皇子生以太牢報祀高祿惟不設弓矢弓韉既又從禮官言按祀儀青帝壇廣四丈高八尺今祀高祿既以青帝爲主其壇高廣請如青帝之制又祀天以高祿配今郊祿壇祀青帝於南郊以伏羲高辛配復於壇下設高祿位殊爲爽誤請準古郊祿改祀上帝以高祿配改伏羲高辛位爲高祿而徹壇下位詔高祿典禮仍舊壇制如所宜改饋爲角握牛高祿祝版與配位並進書焉又言伏羲高辛配祝文並云作主配神神無二主伏羲既爲主其高辛祝文請改云配食於神哲宗元符三年正月徽宗卽位夏四月己酉長子亶生辛亥大赦天下

按宋史徽宗本紀云云

高宗建炎元年六月辛未以子塋生大赦

按宋史高宗本紀云云

紹興元年太常請行高祿之祀

按宋史高宗本紀不載 按禮志紹興元年太常少卿趙子畫言自車駕南巡雖多故之餘禮文難備至於祿無子祝多男所以係萬方之心蓋不可闕乞自來歲之春復行高祿之祀

紹興三十年春二月癸酉詔立普安郡王塋爲皇子更名璋

按宋史高宗本紀云云

寧宗慶元二年六月丙子子塋生八月壬戌子塋薨

追封堯王諡冲惠

按宋史寧宗本紀云云

慶元六年正月子塋生尋薨十一月子增生尋薨

按宋史寧宗本紀慶元六年春正月己亥子塋生二月戊辰減諸路雜犯死罪因釋徒以下八月壬寅子塋薨追封邵王諡冲溫十一月癸亥子增生十二月癸未朔子增生追封邵王諡冲英

嘉泰二年冬子塋生未逾月薨追封華王諡冲穆

按宋史寧宗本紀云云

開禧元年五月乙亥詔以衛國公職爲皇子進封榮王

按宋史寧宗本紀云云

開禧三年春正月丁亥子圻生二月癸亥子圻薨追封順王諡冲懷戊辰子塋生夏四月子塋薨追封申王諡冲懿

按宋史寧宗本紀云云

嘉定元年春正月子塋生閏月癸未子塋薨追封肅王諡冲靖

按宋史寧宗本紀云云

嘉定十四年立姪竑爲皇子

按宋史寧宗本紀嘉定十四年六月丙寅詔以姪福州觀察使貴和爲皇子更名竑進封祁國公丁卯以立皇子告於天地宗廟社稷

嘉定十六年春正月己酉子圻生

按宋史寧宗本紀云云

嘉定十七年八月丁酉皇帝崩於福寧殿遺詔立姪貴誠爲皇子更名昀

按宋史寧宗本紀云云

理宗紹定三年追贈故皇子爲王

按宋史理宗本紀紹定三年春正月甲申詔故皇子

緝贈保信奉國軍節度使開府儀同三司追封永王

諡冲安二月壬子詔故皇子緝贈忠正保寧軍節度

使開府儀同三司追封昭王諡冲純

寶祐元年以建安郡王孜爲皇子

按宋史理宗本紀寶祐元年春正月庚寅朔詔以藝

祖嫡系十一世孫嗣榮王與芮之子建安郡王孜爲

皇子改賜名禔授崇慶軍節度使進封永嘉郡王製

資善堂記賜皇子

金
熙宗皇統二年二月戊子皇子濟安生壬辰以皇子

生赦中外

按金史熙宗本紀云云 按英悼太子傳悼平皇后

生太子濟安皇統二年二月戊子生於天開殿上年

二十四始有皇子喜甚遣使馳報明德宮太皇太后

五日命名大赦天下三月甲寅告天地宗廟丁巳剪

鬻奏告天地宗廟

章宗承安二年五月己丑皇子生庚寅詔中外降死

罪釋徒以下六月乙巳命禮部尚書張暉報祀高祿

按金史章宗本紀云云

泰和二年皇子生盡報謝之禮

按金史章宗本紀泰和二年八月丁酉皇子生九月

癸亥以皇子生親謝南北郊庚子封皇子爲葛王冬

十月戊寅報謝於太廟山陵十一月甲子幸玉虛觀

遣使報謝於太清宮十二月癸酉以皇子晬日放僧

道戒牒三千庚辰報謝於高祿閏月辛酉遣使報謝

於北嶽丁卯遣使報謝於長白山

元
世祖至元二十二年十一月庚午賜皇子愛牙赤銀

印

按元史世祖本紀云云

至元二十四年二月壬子設都總管府以總皇子北

安王民匠幹端大小財賦

按元史世祖本紀云云

泰定帝泰定二年六月己卯朔皇子生命巫祓除於

宮茸萬歲山殿

按元史泰定帝本紀云云

泰定三年十二月壬辰以皇子小薛夜啼賜高年鈔

按元史泰定帝本紀云云

文宗至順二年冬十月己酉爲皇子古納答別作佛

事釋在京囚死罪者二人杖罪者四十七人

按元史文宗本紀云云

武宗至大三年冬十月戊子改皇太子妃怯憐口都

總管府爲典內司

按元史武宗本紀云云

明

憲宗成化五年四月皇子生

按大政紀成化五年四月辛巳皇子生賢妃柏氏出

禮部奏春秋書子同生重國嗣也

成化六年七月皇子生於西宮
按大政紀成化六年七月初三日己卯皇子生於西
宮皇子即孝宗皇帝皇妣紀氏初己丑九月上幸昭

德宮皇妣在御妻之列上幸之有娠萬貴妃百方苦

楚胎竟不墮上令託疾出居安樂堂以病報而屬門

官照管至是聖嗣誕焉皇妣乳少太監張敏使女侍

以粉餌哺之彌月西內廢后吳氏保抱惟謹不使貴

妃知之

成化十一年命禮部定皇子睿名以聞

按大政紀成化十一年五月勅禮部會翰林院官定

議皇子睿名以聞以睿名下宗人府書於玉牒皇子

即孝宗也母紀氏生時以萬貴妃所忌失傳於外廷

臣不及奉賀至是已六年矣因乾清宮門災上欲顯

示於衆乃命司禮監太監懷恩等同內閣計議學士

商輅曰若降勅於禮部以擬名爲辭則衆不言而自

喻矣恩等請於上遂有是命

孝宗弘治四年九月二十四日皇子生詔諭天下

按大政紀云云

世宗嘉靖十二年八月皇子生諭內閣除重罪不赦

餘槩行寬恤因定皇子命名禮儀

按大政紀嘉靖十二年八月皇子生麗嬪閻氏所出

也帝傳諭內閣朕惟仁義恩威不可相掩大義滅親

況其他乎茲因寬恤槩赦重罪非王政也卿等敬會

謂赦爲小人之幸此言恐不可食大禮係奪君父大

獄係殺人媚人及馮恩等俱不赦有冬十月皇子卒

贈諡曰哀冲太子

按明會典嘉靖十二年定皇子生命各儀三月禮部

行令欽天監擇命名并行禮吉時翰林院備查欽賜

過宗室各同字行者進呈御覽以避重複開擬數字

髮前一日上詣太廟世廟以命皇子名告於列聖皇
考用香帛脯醢果酒祝文至日早保姆抱皇于於寢
宮剪髮為髻留角如禮上具皮弁服御乾清宮陞御
座皇后率嬪之生皇子者各服其服朝見行四拜禮
畢皇后侍立東面嬪後保姆抱皇子出自寢由西至
殿內授皇子於皇后內贊奏曰皇后率某嬪某氏敢
用吉日祇見皇子上降座命以制辭遂執皇子之右
手而賜之名皇后敬對畢遂左還授皇子於保姆還
寢皇后復率嬪四拜畢各還宮次日上御奉天門欽
降手勅以皇子名傳諭禮部行宗人府上籍玉牒
嘉靖十五年定皇初生祭告之禮

按明會典皇子誕生儀嘉靖十五年定皇初生三
日上親詣南郊奏告同日制告奉先殿崇先殿遣官
分告方澤朝日夕月太社稷帝社稷天神地祇行事
俱祭服具告文行三獻禮祭品用酒果脯醢南北郊
加太牢文官五品以上武官四品以上俱隨詣南郊
文官三品以上武官公侯伯皇親駙馬仍詣內殿各
具服陪拜次日上御奉天門文武百官具吉服稱賀
先後行四拜禮仍自誕生之日為始各吉服十日擇
日頒詔天下如常儀分遣翰林院春坊六科官齋捧
御書往各王府報知萬曆十年更定皇初生二日
遣官祭告南北郊太廟社稷壇是日上具袞冕服御
皇極殿文武百官及天下諸司進表官員各具朝服
鴻臚寺官致詞稱賀餘如常儀仍遣官齋捧詔書往
諭朝鮮國王

穆宗隆慶二年更定皇子命名禮儀
按明會典隆慶二年更定皇初生彌月剪髮如常儀

候至百日禮部行令欽天監擇命名并行禮吉時翰
林院預擬磨名上請簡定至期上以命皇子名告聞
於奉先殿世宗皇帝凡筵殿弘孝殿神霄殿用古文
祭品如常儀是日上具常服御乾清宮陞座皇后率
皇貴妃各服其服朝見行四拜禮畢皇后侍立東面
皇貴妃中立保姆抱皇子出自寢由西至殿內授皇
子於貴妃內贊奏曰皇貴妃某氏敢用吉日祇見皇
子上降座撫皇子首咳而賜之名皇貴妃承旨畢左
還授皇子於保姆還寢皇后復率皇貴妃四拜畢各
還宮次日上御皇極門降手勅如常儀

熹宗天啓三年以皇初生推恩皇親及元輔
按明通紀天啓三年閏十月壬申吏部接出聖諭朕
賴皇妣慈佑延育皇子實深感慶茲特推恩皇親太
子太保新城伯王升著准封新城侯伊男錦衣指揮
僉事王國典升指揮同知伊孫王國泰升錦衣衛正
千戶俱給與應得誥命該部知道吏部又接出勅諭
朕以皇子誕生內閣輔臣忠勤懋著宜特加恩示酬
元輔向高加上柱國兼支尚書傳廕一子與做中書
舍人宗彥承宗各加少保兼太子太師國楨秉謙延
禧各加少保兼太子太傅廕一子入監讀書廣微加
太子太保進文淵閣廕一子入監讀書餘官給與應
得誥命如勅奉行

天啓五年又以皇初生加恩
按明通紀天啓五年十一月初一日皇初生陞容妃
父任景春錦衣衛正千戶帶俸禮部頒行天下慶賀
皇子誕生表文格式

皇子部藝文一
皇子生頌
魏陳思王植

於我聖后憲章前志克纂二皇三靈昭事祇肅郊廟
明德敬惠陽和積吉鍾天之釐嘉月令辰篤生聖嗣
慶由一人萬國作喜喁喁萬國爰爰羣生稟命我后
綏之則榮長為臣妾終天之經仁聖奕代永載明明
同年上帝休祥淑禎藩臣作頌光流德聲吁嗟卿士
祇承予聽

賀生皇子表

宋宋祁

寶祐叢休天支毓秀慶騰祕禁歡溢中區恭惟尊號
皇帝陛下受命溥將凝圖不赫權綱相又根乎克念
之虔簡素所安表於不勉之懿且復輕刑薄賦重穀
弛畋一夫少饑則係馳使節方金稍乏則輒續禁錢
民用靖嘉神罔恫怨是以上帝歆佑三后顧存詒美
孫謀昭衍無疆之烈歸功元首茂啓多男之祥誕協
仲商挺生哲嗣星弧具禮天第交華惟翕闢之儲英
固覃計而絕異遜聆詔諭並仰獻儀薦笏相趨抃吾
君之有子珪璋流愛宜天下之繫心臣始去近聯遽
承吉語賡歌餘慶早知周德之遐參祝祠祿罔逮漢
臣之幸

賀長子封公表

王拱宸

建親授社屏翰於王家封子維城安疆於國幹誕揚
休命敷告羣倫均海寓之歡心洽朝廷之大慶竊以
宗藩錫瑞賢戚分疆周列侯邦半諸姬而啓土漢有
天下非劉氏則不王皆所以滋大本枝維持京室綿
鼎數於穹壤固廟祔於山河屬我熙朝益隆茂典恭
惟皇帝陛下纂承皇序恢闢洪圖善迪孫謀適遵祖

構乃脊元良之重已昭岐嶷之英肇啓南圻崇加上
衰離明震豫知帝緒之無疆海潤星輝戴吾君之有
子臣居畱近甸迹遠髮墀側聽恩章舉增忭懌

請令皇子伴讀提舉左右人 司馬光

臣伏見陛下差直史館王陶充皇子伴讀祕閣校理
孫思恭充本位說書此誠國家之首務聖哲之遠圖
然臣聞三代令王置師傅保以教其子又置三少與
之燕居至於左右前後侍御僕從之人皆選孝弟端
良之士逐去邪人母得在側使之日見正事聞正言
然後道明而德成心論而體安福被兆民功流萬世
此教之所以爲益也今陶等雖爲皇子之官屬若不
日日得見或見而遽退語言不洽志意不通未嘗與
之論經術之精微辨人情之邪正充義理之是非考
行己之得失教者止於供職學者止於備禮而左右
前後侍御僕從或有佞邪譏巧之人雜處其間出入
起居朝夕相近誘之以非禮導之以不義納之以諂
諛濟之以詐僞雖皇子資性聰明端慤難移然親近
易習積久易遷詔諛易人詐僞易惑如此則雖有碩
儒端士爲之師傅終無益也臣聞孟子曰雖有天下
易生之物也一日暴之十日寒之未有能生者也吾
見亦罕矣吾退而寒之者至矣又曰一齊人傳之衆
楚人咻之雖日撻而求其齊也不可得矣臣愚伏望
陛下多置皇子官屬博選天下有學行之士以充之
使每日在皇子位與皇子居處燕遊講讀道義善
抑惡轉成懿德其左右前後侍御僕從亦皆選小心
端慤之人使所屬官司結狀保明然後得入仍專委
伴讀官提舉覺察若有佞邪譏巧之人誘導皇子爲

非禮義之事者委伴讀官糾舉施行即時斥逐不令
在側若皇子自有過失再三規誨不從者亦聽以聞
如此則必進德修業日就月將善人益親邪人益疎
誠天下之幸也大理評事趙彥若孝友溫良謹慎潔
正博聞強記難進易退國子監直講李寔好學有文
修身謹行祕閣校理孟恂清純愷悌始終如一此臣
之所知也伏望陛下擇此三人及廣求其比以備皇
子官屬臣推心盡忠不敢存形迹僭越妄言伏俟謹
諫

左司諫王陶皇子伴讀制 王安石

勅某自天子至於士未有不待學而成者今朕欲進
諸子於學求可與居者而大臣以爾爲言爾久在諫
垣有聞於世茲惟慎選可不勉哉可不勉哉

賀生皇子表六道 前人

臣某言都進奏院狀報誕生皇子者宮闈嗣慶寰海
交欣凡逮戴天惟均擊壤中賀臣聞益斯之言衆子
是爲王者之時華封之祝多男亦曰聖人之事恭惟
皇帝陛下紹祖休顯憲天昭明致文武之憂動成堯
舜之仁孝宅師無競堯範之履既安傳類有祥弓韞
之祠屢應詒謀方未錫美用光臣託備藩維叨承睿
獎不顯亦世家寶預於榮懷於萬斯年心敢忘於慶
賴

又

臣某言伏覲都進奏院狀報誕生皇子者嘉慶係傳
歡欣總集中賀臣歷觀古昔誕受福祥厥配天所以
久長乃有子至於千億伏惟皇帝陛下冕鷩之雅媚
於神祇芾芻之風燕及黎庶弓韞嗣燕祿之報旒旗

仍噩夢之祥無疆惟休未保桑也之固有室大競方
觀椒實之繁臣嘗汗近司久尸榮祿特荷殊憐之至
豈勝竊喜之情

又

臣某言伏覲都進奏院狀報誕生皇子者皇運邛隆
天枝彌茂照臨所暨鼓舞攸均中賀臣聞史紀文慶
之延豈惟十子詩歌姬徽之繼爰至百男肇敏於修
乃繁厥祉恭惟皇帝陛下道冒區宇德冠往初品庶
蒙休既饗和平之樂神靈錫美膺蕃衍之祥臣嘗
汗近司備叨殊獎以宿疴而自困欲旅進以無階

又

臣某言伏覲都進奏院狀報七月四日誕生皇子者
慶兆六宮欣交九服照臨所暨鼓舞惟均中賀竊以
堯寢告祥實帝臨之釐事年祠錫羨乃神保於昌時
伏惟皇帝陛下追放堯動嗣承機象鴻名敷播已協
九皇之高純緞垂延方覃千子之衆維祺有椒俾熾
無疆臣夙冒恩憐久尸榮祿適此驪嘉之會爾然超
造之難

又

臣某言伏覲都進奏院狀報誕生皇子者元精孚佑
聖種挺生慶係集於宮庭歡外交於寰宇中賀竊以
熊羆見夢種桂獻祥厥撫會昌之期乃膺錫羨之福
恭惟皇帝陛下德高振古仁浹含生故神明之胄浸
蕃而福履之將未艾臣久尸多祿特荷異恩顧衰疾
之滋多望清光而獨遠

又

臣某言伏覲都進奏院狀報誕生皇子者燕祿饗德

方儲錫羨之祥靈夢生賢克協會昌之運與在照臨之廣敷同慶賴之深藉以思齊神罔時悃假樂民之攸暨天所保佑厥惟太妣之多男國之榮懷亦曰成王之衆子恭惟皇帝陛下今德光乎洛誦康功茂乎岐昌鴻休無疆景命有僕蓋榮苴之薄言采采衆皆先成則螽斯之宜爾振振宗強孰禦臣久叨眷遇適阻進趨親值本支百世之盛時敢忘壽考萬年之善祝

代賀生皇子表

陸游

景命降休皇支毓秀福慶傳於中禁權聲溢於普天臣中賀恭惟皇帝陛下光宅海隅不承祖武德親九族孝達三神后土願懷皇天眷祐茂本支於百世引壽考於萬年臣違去清班欽承吉語廣敷瓜瓞蚤知周室之隆參祝祿祠阻奉漢庭之詔臣限司官鑰不獲扞舞丹墀

皇子進封左衛上將軍嘉國公賀皇帝表

文天祥

乾父垂仁茂積蘿圖之慶震男鍾美肇基茅土之邦百世可知四方來賀洪惟昭代爰立親親粵有舊章禮優貴貴助祥符之七載侈慶國之初封綉仗分班珠珪疏寵庸表人倫之厚適觀王室之疆式於今休監於成憲恭惟皇帝陛下福培周厚和緝堯雍寶曆無疆方萬年而受祐金枝有煒期億子以宜君錫以嘉名渙其大號地營東井詔爵五之最隆天拱北辰炳心三之相照克昌厥後長發其祥臣有蹇壯駢阻隨虎拜祉歌子施遙陳皇矣之詩道盡君嚴願贊家人之易

皇子賜名本州賀皇帝表

前人

家有嚴君托中興之昌歷天以聖子作大國之宗藩喜溢宮闈慶關宗社恭惟皇帝陛下懋昭聖德厚正人倫保天命以宜君四方無侮貽孫謀而翼子百世可知爰錫嘉名載敷大號敬哉有土肇基二水之邦格于皇天式應三星之曜俾耆而艾長發其祥臣縻跡侯方傾心魏闕監王成憲願垂謨烈之休啓我後人益壯本支之盛

皇子賜名鈐司賀皇帝表

前人

天佑我家篤生聖嗣國有巨典肇建宗藩社稷靈長神人孚洽恭惟皇帝陛下禮行貴貴爰立親親撫寶曆之昌期萬年福祿演銀潢之慶澤百世本支爰重燕謀載頌鴻號于疆于理地營涪水之邦有翼有馮星拱周廬之衛克開厥後俾熾而昌臣遠繫戎輶瞻文石施於帝社德已動於鑒觀保我後生命更歌於壽考

皇子部藝文二詩

寶祐二年皇子冠二十首

宋史

皇帝將出文德殿隆安

於皇帝德乃聖乃神本支百世立愛惟親敬共冠事以明人倫承天右序休命用申

賓贊入門祇安

豐芑詒謀建爾元子揆禮儀年筮靈敬事八音克諧嘉賓至止于以冠之成其福履

賓贊出門祇安

禮國之本冠禮之始賓升自西維賓之位于著于阼維子之義厥惟欽哉敬以從事

皇帝降坐隆安

路寢闔門黼坐恭已羣公在庭所重維禮正心齊家以燕翼子于萬斯年王心載喜

皇子和行

有來振振月重輪今瑜玉在佩恭組明兮左徵右羽德結旌兮步中采齊矩矱循兮

賓贊入門

我有嘉賓直大以方亦既至止厥德用光冠而字之厥義孔彰表裏純備黃耆無疆

皇子詣受制位

吉吉休成其日南至天子有詔冠爾皇嗣爲國之本隆邦之禮拜而受之式其敬止

皇子升東階

茲惟阼階厥義有在歷階而升敬謹將冠經訓昭昭邦儀粲粲正纁賓筵壽考未艾

皇子升筵

秩秩賓筵籩豆孔嘉帝子至止矜纁振華周旋陟降禮行三加成人有德匪驕匪奢

初加

帝子惟賢懋昭厥德跪冠于房元冠有特鼓鐘喤喤威儀抑抑百禮既洽祚我王國

初醺

有賓在筵有尊在戶啓管將將醺禮時舉跪觴祝辭以末燕譽寶祚萬年磐石鞏固

再加

復及肇祥震維標德乃共皮弁其儀不忒體正色齊維民之則璇霄眷祐國壽箕翼

再醮

冠醮之義匪酬匪酌于戶之西敬共以恪金石相宣冠醮相錯帝祉之受施及家國

三加

善頌善禱三加彌尊爵弁峨峨介珪溫溫陽德方長成德允存燕及君親厥祉孔蕃

三醮

席于賓階禮義以興受爵執爵多福以膺匪惟服加德加愈升匪惟德加壽加愈增

皇子降

命服煌煌跬步中度慶輯皇闈化行海宇禮具樂成惕若戒懼寶璐厥躬有秩斯祐

朝調皇帝將出

皇王烝哉令聞不已燕翼有謀冠醮有禮百僚在庭通相厥事頌聲所同嘉受帝祉

皇子再拜

青社分封前星啓燄繁弱綏章厥光莫掩容稱其德蓄學之驗芳譽敷華大圭無玷

皇子退

元袞黼裳垂徽末世勉勉成德是在元子胙土南賓厥旨孔懿充一忠字作百無愧

皇帝降坐

愛始於親聖盡倫兮元子冠字邦禮成兮天步舒徐皇心寧兮家人之吉億萬春兮

奉賀皇子百日

明會朝節

百日欣逢睿節新羣臣朝賀屬芳辰雲中鳳輦來王母日表龍顏識聖人瑞氣正浮三殿曉歡聲齊動六宮春願將多壽多男祝歲歲年年獻紫宸

丙戌秋月以皇太子生賜萬喜金字綵花金幣等物 于慎行

西宮送喜到宸旒侍從恩隨禁苑優勝剪雙枝花作綵金鐫萬喜子當頭他年茅土應蕃漢此日珪璋早頌周共識昭陵多王氣年年春色滿龍樓

皇子部紀事

後漢書譙元傳成帝末始二年有日食之災乃詔舉敦樸遜讓有行義者各一人州舉元詣公車對策高第拜議郎帝始作期門數為微行立趙飛燕為皇后后專寵懷忌皇太子多橫夭折元上書諫曰臣聞王者承天繼宗統極保業延祚莫急後嗣故易有幹蠱之義詩詠衆多之福今陛下聖嗣未立天下屬望而不惟社稷之計專念微行之事愛幸用於所惑曲意留於非正竊聞後宮皇太子產而不育臣聞之怛然痛心傷刺竊懷憂國不忘須臾夫警衛不修則患生非常忽有醉酒狂夫分爭道路既無尊嚴之儀豈識上下之別此恐奸人起於轂下而賊亂發於左右也願陛下念天下之至重愛金玉之身均九女之施存無窮之福天下幸甚時數有災異元輒陳其變既不省納故久稽郎官

晉書五行志海西公初生皇子百姓歌曰鳳凰生一雛天下莫不喜本言是馬駒今定成龍子其歌甚美其旨甚微海西公不男使左右向龍與內侍接生子

以為己子

宋書武帝本紀高祖諸子旦問起居入閣脫公服止著裙帽如家人之禮

唐書褚遂良傳子時皇子雖幼皆外任都督刺史遂良諫曰昔二漢以郡國參治維用周制今州縣率倣秦法而皇子孺年並任刺史陛下誠以至親扞四方雖然刺史民之師帥也得人則下安措失人則家勞劫故漢宣帝曰與我共治惟良二千石乎臣謂皇子未冠者可且留京師教以經學畏仰天威不敢犯禁養成德器審堪臨州然後敦遣昔東漢明章諸帝友愛子弟雖各有國幼者率留京師訓飭以禮訖其世諸王數十百惟二人以惡敗自餘食和染教皆為善良此前事已驗惟陛下省察帝嘉納

宋史張昭傳昭後唐為都官員外郎時皇子競尚奢侈昭疏諫曰帝王之子長於深宮安於逸樂紛華之玩絲竹之音日接於耳目不與驕期而驕自至倘非天姿英敏識本清明以此蕩心焉能無惑苟不豫為教道何以置之盤牙臣見先帝時皇子皇弟盡喜無籍玩物之言厭聞致治經邦之論入則務飾姬姜出則廣增僕馬親賓滿坐食客盈門箴規者少諧謔者多以此而欲託以主治不亦難乎臣請諸皇子各置師傅陛下令皇子屈身師事之講論道德使一日之中止記一事一歲之內所記漸多每月終令師傅具錄奏聞或皇上調之時陛下更令侍臣面問十中得五為益良多博識安危之理深知成敗之由臣又聞古之人君即位而封太子拜諸王究其所由蓋有深旨使庶不亂嫡疏不間親禮秩有常邪惡不作近

代人君失於此道以至邦家構患釁隙萌生昔隋祖聰明煬帝亦傾楊勇太宗齊聖魏王終覆承乾臣每讀古書深悲其事願於聖代杜此厲階其於卜貳封宗在臣未敢輕議臣請諸王子於恩澤賜與之間婚姻省侍之際依庶嫡而為禮秩據親疎而定節文示以等威絕其微幸保宗之道莫大於斯明宗覽疏而不用

周起傳起權知開封府嘗奏事殿中適仁宗始生帝曰卿知朕喜乎宜賀我有子矣即入禁中懷金錢出探以賜起

默記張茂實太尉章聖之子尚宮朱氏所生章聖畏懼劉后凡後宮生皇子公主俱不留以與內侍張景宗今養視遂冒姓張既長景宗奏授三班奉職入謝日章聖曰孩兒且許大也昭陵出閣以為春坊謁者後擢副富鄭公使遂作殿前步帥中丞韓絳言茂實出自宮中迹涉可疑富弼引以為殿帥蓋嘗同奉使交結有自弼惶恐待罪然朝廷考校茂實之除拜歲月非弼進擬出絳知蔡州弼乃止厚陵為皇太子茂實入朝至東華門外居民焚用者迎馬首連呼曰虧爾太尉茂實惶恐執詣有司以為狂人而黥之知其實非狂人也茂實緣此求外郡至厚陵即位避藩邸諱改名孜頗疎之自知蔡州坐事移曹州憂恐以卒諡勤惠滕元發言嘗因其病問之至臥內茂實岸幘起坐其頭角巉然真龍種也全類其表蓋本朝內臣養子未有大用至節帥者此可驗矣其子詢字仲謀賢雅能詩有子與邸中作壻此可怪也

宋史哲宗本紀皇太后垂簾於福寧殿諭珪等曰皇

子性莊重從學穎悟自皇帝服藥手寫佛經為帝祈福因出以示珪等所書字極端謹珪等稱賀

元史文宗本紀至順二年春正月癸卯以皇子古納答剌疾愈賜燕鐵木兒及公主察吉兒各金百兩銀五百兩鈔二千錠撒敦等金銀鈔各有差又賜醫巫乳媼宦官衛士六百人金三百五十兩銀三千四百兩鈔五千三百四十錠二月己未命西僧為皇子古納答剌作佛事一周歲

皇子部雜錄

退朝錄近世諸王公主制中稱皇子皇弟皇女疑皇字相承為例止合云第幾子第幾弟第幾女云貴耳集東坡天人也凡作一文必有深旨撰小兒致語云自古以來未有祖宗之仁厚上天所祐願生賢聖之子孫其意深切著明

欽定古今圖書集成明倫彙編官闈典
第八十卷目錄

皇孫部彙考

晉總一則

南齊武帝永明一則

梁武帝天監一則 中大通一則

陳文帝天康一則 宣帝太建一則

北魏太武帝太平真君一則 正平一則

北周武帝建德一則

隋文帝開皇三則 煬帝大業一則

唐中宗嗣聖二則 元宗開元一則

遼太祖神冊一則 道宗太康二則

宋光宗紹熙一則

金世宗大定二則

元世祖至元六則

明太祖洪武三則 成祖二則 神宗萬曆一則

皇孫部藝文

皇孫生請布澤疏

皇孫誕育上表

征北世子誕育上表

賀皇孫誕生疏

皇孫部紀事

皇孫部雜錄

官闈典第八十卷
皇孫部彙考

晉

晉制皇孫綠蓋車並駕三左右駢

按晉書輿服志云云

南齊

武帝永明五年尚書令議皇孫南郡王冠禮

按南齊書武帝本紀不載 按禮志永明五年十月

有司奏南郡王昭業冠求儀注未有前准尚書令王

儉議皇孫冠事歷代所無禮雖有嫡子嫡孫然而地

居正體下及五世今南郡王體自儲肆實惟國裔元

服之典宜異列蕃案士冠禮主人元冠朝服賓加其

冠贊者結纓鄭元云主人冠者之父兄也尋其言父

及兄則明祖在父不爲主也大戴禮記公冠篇云公

冠自爲主四加元冕以卿爲賓此則繼體之君及帝

之庶子不得稱子者也小戴禮記冠義云冠於阼以

著代也醮於客位三加彌尊加有成也注稱嫡子冠

於阼庶子冠於房記又云古者重冠故行之於廟所

以自卑而尊先祖也據此而言彌與鄭注儀禮相會

是故中朝以來太子冠則皇帝臨軒司徒加冠光祿

贊冠諸王則郎中加冠中尉贊冠今同於儲皇則重

依於諸王則輕又春秋之義不以父命辭王父命禮

父在斯爲子君在斯爲臣皇太子居臣子之節無專

用之道南郡雖處蕃國非支庶之列宜享天朝之命

微申冠阼之禮晉武帝詔稱漢魏遣使冠諸王非古

正典此蓋謂庶子封王合依公冠自主之義至於國

之長孫遣使惟允宜使太常持節加冠大鴻臚爲贊

醮酒之儀亦歸二卿祝醮之辭附准經記別更撰立

不依蕃國常體國官陪位拜賀自依舊章其日內外

二品清官以上詣止車集賀并詣東宮南門通牋別

日上禮官臣亦詣門稱賀如上臺之儀既冠後尅日

謁廟以弘尊祖之義此既大典宜通關八座丞郎并

下二學詳議儀射王免等十四人議並同并撰立贊

冠醮酒二辭詔可祝辭曰皇帝使給事中太常武安

侯蕭惠基加南郡王冠祝曰筮日筮賓肇加元服棄

爾幼志從厥成德親賢使能克隆景福醮酒辭曰旨

酒既清嘉薦既盈兄弟具在淑慎儀刑末屆眉壽於

穆斯寧

梁

武帝天監九年詔太子及王侯子悉就成均入學

按梁書武帝本紀天監九年春三月乙未詔曰王子

從學者自禮經貴遊咸在實惟前詔所以式廣義方

克隆敦道今成均大啓元良齒讓自斯以降並宜隸

業皇太子及王侯之子年在從師者可令入學

中大通四年春正月庚午立嫡皇孫大器爲宣城郡

王

陳

按梁書武帝本紀云云

文帝天康元年夏四月乙卯皇孫至澤生在位文武

賜絹帛各有差爲父後者賜爵一級

按陳書文帝本紀云云

宣帝太建五年春三月己丑皇孫引生內外文武賜

帛各有差爲父後者爵一級

按陳書宣帝本紀云云 按吳興王引傳吳興王引

字承業後主長子也太建五年二月乙丑生於東宮
母孫姬因產卒沈皇后哀而養之以爲己子時後主
年長未有後嗣高宗因命以爲嫡孫其日下詔曰皇
孫初誕國祚方熙思與羣臣共斯慶內外文武賜
帛各有差爲父後者賜爵一級

北魏

太武帝太平眞君元年六月丁丑皇孫濬生大赦改
元

按魏書太武帝本紀云云

正平元年十二月丁丑封皇孫濬爲高陽王尋以皇
孫世嫡不宜在藩乃止

按魏書太武帝本紀云云 按文成帝本紀高宗文

成皇帝諱濬恭宗景穆皇帝之長子也母曰閭氏眞
君元年六月生於東宮帝少聰達世祖愛之常置左

右號世嫡皇孫年五歲世祖北巡帝從在後逢賊帥
枉一奴欲加其罰帝謂之曰奴今遭我汝宜釋之帥

奉命解縛世祖聞之曰此兒雖小欲以天子自處意
奇之既長風格異常每有大政常參決可否正平二

年十月戊申卽皇帝位於永安前殿大赦改年

北周

武帝建德二年六月壬子皇孫衍生文武官普加一

隋

按周書武帝本紀云云

隋

文帝開皇十年春正月乙未以皇孫昭爲河南王楷
爲華陽王

按隋書文帝本紀云云

開皇十三年二月己卯立皇孫暕爲豫章王

按隋書文帝本紀云云

開皇十六年春正月丁亥以皇孫裕爲平原王筠爲
安成王暕爲安平王恪爲襄城王該爲高陽王韶爲

建安王暕爲潁川王

按隋書文帝本紀云云

煬帝大業二年八月辛卯封皇孫俊爲燕王侗爲越
王侑爲代王

按隋書文帝本紀云云

唐 中宗嗣聖七年九月降皇太子爲皇孫卽武后天授元年

按唐書武后本紀云云

嗣聖十年臘月丁卯降封皇孫成器爲壽春郡王卽武后長壽二年

按唐書武后本紀云云

元宗開元二十八年九月庚辰封皇孫俶等十九人
爲郡王

按唐書元宗本紀不載 按舊唐書元宗本紀云云

遼

太祖神冊三年十二月甲子皇孫隈欲生

按遼史太祖本紀云云

道宗太康元年皇孫延禧生

按遼史道宗本紀太康元年閏月庚戌皇孫延禧生

五月甲子賜妃之親及東宮僚屬爵有差

太康六年三月庚寅封皇孫延禧爲梁王秋七月癸
未爲皇孫梁王延禧設旗鼓拽刺六人衛護之

按遼史道宗本紀云云 按天祚皇帝本紀天祚皇

帝諱延禧字延寧小字阿果道宗之孫父順宗大孝
順聖皇帝母貞順皇后蕭氏太康元年生六歲封梁
王加守太尉兼中書令後三年進封燕國王大安七
年總北南院樞密使事加尚書令爲天下兵馬大元
帥壽隆七年正月甲戌道宗崩奉遺詔卽皇帝位

宋

光宗紹熙四年春二月甲戌皇孫生

按宋史光宗本紀云云

金

世宗大定二十三年十月庚戌幸東宮賜皇孫吾都
補洗兒禮

按金史世宗本紀云云

大定二十五年十二月戊午以皇孫金源郡王麻達
葛判大興尹進封原王

按金史世宗本紀云云

元

世祖至元二十二年春二月己酉爲皇孫阿難答立
衍福司職四品使同知副使各一員

按元史世祖本紀云云

至元二十五年命皇孫出鎮雲南及撫軍北征之任

按元史世祖本紀至元二十五年二月壬午命皇孫

雲南王也先鐵木兒帥兵鎮大理等處四月甲申詔
皇孫撫諸軍討叛王火魯火孫合丹禿魯干五月己

丑以左右怯薛衛士及漢軍五千三百人從皇孫北

征六月壬申命諸王怯憐口及扈從臣轉米以饋將
士之從皇孫者

至元二十六年罷皇孫按攤不花所設斷事官

按元史世祖本紀云云

至元二十七年冬十月壬申封皇孫甘麻剌爲梁王賜金印出鎮雲南

按元史世祖本紀云云

至元二十九年中書省請給皇孫晉王印

按元史世祖本紀至元二十九年十二月庚寅中書省臣言皇孫晉王甘麻剌昔鎮雲南給梁王印今進封晉王請給晉王印

至元三十年夏四月己亥皇孫晉王位立內史府六月乙巳以皇太子寶授皇孫鐵木耳秋七月己未詔皇會孫松山出鎮雲南以皇孫梁王印賜之

按元史世祖本紀云云

明
太祖洪武七年十月己未皇長孫雄英生

按大政紀云云

洪武十年十一月己卯皇孫允炆生

按大政紀云云

洪武二十九年十月甲寅皇會孫文燧生

按大政紀云云

洪武二十九年十月甲寅皇會孫文燧生

上以十月數終又生於晦日勅內庭勿賀

成祖末樂五年詔皇長孫出閣就學

按大政紀末樂五年四月皇長孫出閣就學羣臣稱賀召太子少師姚廣孝等以盡心開導論之論曰人於學問當以先入之言爲主朕長孫天資明睿爾等宜盡心開導凡經詞所載孝弟仁義與夫帝王大訓可以經綸天下者日與講說浸漬之久涵養之深則德性純而器識廣他日所資甚大不必如儒生釋章

句工文詞爲能也

末樂六年勅文武大臣輔導皇長孫

按大政紀末樂六年十一月甲寅勅文武大臣輔導皇長孫命丘福躋義金忠胡廣黃淮楊榮楊士奇金幼孜及洗馬姚友直等輔導仍賜勅諭曰朕嫡長孫天章日表玉質龍姿孝友英明寬仁大度年未一紀體具志寧動必中規言必合道好學之篤夙夜孜孜日誦萬言必領要意朕嘗試之以事輒能裁決得中斯實宗社之靈上天賜慶篤生異質以福祐天下而基命於無窮然宏材之建必由匠匠之功主璜之成必假琢磨之力卿等皆茂簡德意職輔導東宮東宮之子必資兼濟宜協心同志輔導於我推廣仁義道德之源開三王之典與我太祖高皇帝之大經大法凡創業守成之難生民稼穡之事朝夕講論以涵養本源恢弘智量充其盛大之器以爲宗社生民之福國家有無窮之休卿等亦有無窮之聞欽哉

神宗萬曆三十三年元孫生

按明通紀萬曆三十三年十一月十四日皇太子第一子生上喜得元孫諭禮部尊皇太子生母恭妃王氏爲皇貴妃皇太子正宮封妃餘皆才人

皇孫部藝文

皇孫生請布澤疏

晉郭璞

有道之君未嘗不以危自持亂世之主未嘗不以安自居故存而不忘亡者三代之所以興也亡而自以爲存者三季之所以廢也是以古之令主開納忠諫以弼其違標顯功直用攻其失至乃開一善則拜見規誠則懼何者蓋不私其身處天下以至公也臣竊惟陛下符運至著勳業至大而中興之祚不隆聖敬之風未躋者殆由法令太明刑教太峻故水至清則無魚政至察則衆乖此自然之勢也臣去春啓事以固圉充斥陰陽不和推之卦理宜因郊祀作赦以蕩滌瑕穢不然將來必有愆陽苦雨之災崩震薄蝕之變狂狡蠱戾之妖其後月餘日果薄蝕去秋以來諸郡並有暴雨水皆洪潦歲用無年適聞吳興復欲有搆妄者咎徵漸成臣甚惡之頃者以來役賦轉重獄犴日結百姓困擾甘亂者多小人愚瞢共相扇惑雖勢無所至然不可不慮按洪範傳君道虧則日蝕人憤怨則水涌溢陰氣積則下代上此微理潛應已著實於事者也假令臣遂不幸謬中必貽陛下側席之憂今皇孫載育天固靈基黔首顙頤實望惠潤又歲涉午位金家所忌宜於此時崇恩布澤則火氣潛消災譴不生矣陛下上籌天意下順物情可因皇孫之慶大赦天下然後明罰勅法以肅理官克厭天心慰塞人事兆庶幸甚禎祥必臻矣今臣所陳暫而省之或未允聖旨久而尋之終亮臣誠若所啓上合願陛下勿以臣身廢臣之言臣言無隱而陛下納之適所以顯君明臣直之義耳

皇孫誕育上表

宋鮑照

兼郎中令侍郎臣照言伏承東儲積慶皇孫誕育國
啓昌期民迎福運臺禁稱祉并廬相賀伏惟聖懷載
深鴻愈不任下情謹詣閣上表以聞

征北世子誕育上表

前人

臣等言臣聞本枝無疆布諸前典衆多彌貴信之華
封故德積則慶深業昌則祚廣伏承王子以中氣正
月鍾靈納和誕躬紫閣膺祚朱紱弧矢夙陳璋璋攸
覲雲光麗輝巖澤昭采嘉祥爰乎柔顏載粹凡在氓
隸莫不忭悅臣霑恩踰物慶倍自中不勝殊歡溢喜
謹奉表以聞

賀皇孫誕生疏

明葉向高

臣等近接邸報伏覲勅下禮部萬曆三十三年十一
月十四日戌時皇太子第一子生臣等躬逢大慶不
勝躍躍竊惟聖神有作功與德以並隆祚嗣克昌子
因孫而益衍故益斯麟趾式昭有道之長而鶴禁龍
樓載篤無疆之慶眷此文孫之誕育益占帝曆之綿
延恭遇我皇上深仁必世駿烈同天長樂尊崇有至
德要道以順天下承華垂裕惟咸正罔缺而啓後人
多福多壽而多男二應華封之祝重輪重輝而重潤
兩看離照之明爰自元良冊立以來以至大婚禮成
之後青宮元圃陶成玉裕之姿瑜珮錕鈿嗣播葛藟
之響屬皇天之篤祐肆宗社之垂休適當長至之期
有此元孫之慶黃鐘餘六琯一陽來復於斯時紫氣
滿千門庶幾騰耀於此日在皇上則子而有子固熙
朝間值之嘉祥在聖母則孫下見孫九振古希逢之
盛事况慶源遠濬慈闈之花甲初周而少海常澄奕

世之銀潢未艾凡有血氣孰不歡呼臣等職列留京
情慙魏闕五雲天遠每翹首於鳬趨萬葉祚長欲齋
心而燕賀追惟元子誕生之日曾於詔書未到之先
虔集羣工恭陳微悃茲敬循乎舊典庶仰答於洪休
蓋茂發孫枝實九廟神靈之顯祐而欣逢帝祉乃萬
方臣子之同情伏願益順歡心旁流穰澤迺天休滋
至匪獨樂於己而同樂於民貽哲命初生以遠垂於
孫如近垂於子則鴻基燕翼侈錫嗣於周京而甲觀
畫堂陋鍾祥於漢代此實聖謨之所素裕而亦愚臣
等不勝惓惓者也

皇孫部紀事

小名錄成帝名鸞元帝之子以宣帝之世生於甲觀
書堂號曰世嫡皇孫帝愛之因曰太孫常置左右
獨斷綠車名曰皇孫車天子孫乘之以從
魏書太武帝本紀太平眞君十一年十二月甲申義
隆使獻百牢貢其方物又請進女於皇孫以求和好
帝以師婚非禮許和不許婚使散騎侍郎夏侯野
報之詔皇孫爲書致馬通問焉
劉尼傳尼代人也少壯健有膂力勇果善射世祖見

而善之拜羽林中郎加振威將軍宗愛既殺南安王
余於東廟祕之唯尼知狀尼勸愛立高宗愛自以負
罪於景穆聞而驚曰君大寢人皇孫若立豈忘正平
時事乎尼曰若爾今欲立誰愛曰待還宮擢諸王子
賢者而立之尼懼其有變密以狀告殿中尚書源賀
賀時與尼俱典兵宿衛仍共南部尚書陸麗謀曰宗
愛既立南安還復殺之今不能奉戴皇孫以順民望
社稷危矣將欲如何麗曰惟有密奉皇孫耳於是賀
與尚書長孫渴侯嚴兵守衛尼與麗迎高宗於苑中
麗抱高宗於馬上入京城尼馳還東廟大呼曰宗愛
殺南安王大逆不道皇孫已登大位有詔宿衛之士
皆可還宮衆咸唱萬歲
傳信錄上爲皇孫時風表瑰異神彩美邁嘗於朝堂
比武攸暨曰朝堂我家朝堂汝得恣蜂蠆而復顧耶
則天驚異之再三顧曰此兒氣槩不常爲吾家太平
天子也
明皇十七事代宗誕三日上幸東宮賜之金盆以浴
吳后年幼體弱皇孫體未舒負媼慍慍乃以宮中同
日生而體貌豐碩者以進上視之不樂曰此非吾兒
負媼叩頭具服上昵謂曰非爾所知取吾兒來於是
以太子之子進見上大喜置諸掌內視之笑曰此兒
福祿過其父及上起身還宮進內謂力士曰此一殿
有三天子樂乎哉可以勸太子飲酒
金史顯宗孝懿皇后傳大定八年七月上遣宣徽使
移刺神獨幹以名馬寶刀御膳賜太子及妃仍諭之
曰妃今臨蓐願平安得雄有慶之後宜以此刀寘左
右既而皇孫生是爲章宗時上幸金蓮川次冰井登

日上臨幸撫視宴甚歡又賜御服佩刀等物謂顯宗曰祖宗積慶且皇后陰德至厚而有今日社稷之洪福也又謂李石石烈士烈志寧曰朕諸子雖多皇后止有太子一人而已今幸得嫡孫觀其骨相不凡又生麻達葛山山勢衍氣清朕甚嘉之因以山名爲章宗小字

大政紀皇太子令庶子楊榮侍諸皇孫文華後殿皇太子諭諸皇孫曰此皇祖近臣汝輩當禮敬榮講授有程度諸皇孫多所進益皇太子召榮獎諭切至且曰他日學成即汝訓迪之功也榮在春坊每進講罷必從容以進心務德親賢去邪尚儉戒逸之言進深見嘉納或訪以正務必陳其切要及先後緩急施行之序皆懇切無少避忌

永樂十四年十月周王橚楚王楨遇節謁孝陵命東宮皇太孫及小皇孫陪謁上召楊榮楊士奇金幼孜皆至問曰二王東宮皇太孫及小皇孫謁陵展敬之位如何朕意雖略定爾三人試言之楊金未有對上顧問士奇對曰周楚二王尊屬當列稍前兩傍東宮殿下之後諸皇孫與皇太孫同班兩分列兩傍上曰爾所言有據乎對曰宋儒朱熹家禮大約如此上曰吾未嘗熟家禮但據已見書其位次遂出片楮宸翰所書位次正與士奇言合

皇孫部雜錄

日知錄豕子身之副也家無二主亦無一副故有適子者無適孫唐高宗有太子而復立太孫非矣